

XOHANA TORRES

PENÉLOPE

Declara o oráculo:

Que á banda do solpor é mar de mortos,
incerta, última luz, non terás medo.

Que ramos de loureiro erguen rapazas.
Que cor malva se decide o acio.

Que acades desas patrias a vindima.
Que amaine o vento, beberás o viño.

Que sereas sen voz a vela embaten.
Que un sumario de xerfa polos cons".

Así falou Penélope:

"Existe a maxia e pode ser de todos.
¿A que tanto nobelo e tanta historia?

EU TAMÉN NAVEGAR."

De Tempo de Ría (1992)

